

黎城縣續志

目錄

卷一

序

纂修姓氏

圖

表

地理志

疆域

城池兵防附

山川村落附

古蹟墳墓附

政事志

戶口

田賦

鹽法附

職官

公署

學校

祠祀

寺觀

紀事

卷二

人物志

選舉

進士

舉人

貢生

薦辟

武科

仕宦

封贈

名宦

名賢

孝義

義行附

文苑

材能

流寓

方技

仙釋

列女

卷三

藝文志

詩

賦

傳

碑記

墓誌

卷四

補遺

沿革
寺觀

山川
紀事

古蹟
名賢

物產
流寓

鄉宦
列女

祠祀
藝文

糾誤

沿革
紀事

城池
名賢

山川
忠節

古蹟
流寓

附錄

書目
碑目

黎城縣續志卷之三

藝文志

詩

黎城縣

洪洞王軒

衡漳下覃懷勢若輔車依殷社未遽屋端已甚哉黎
老成汲遼慮入告傷祖伊侈言天有命首懸太白旗
殷鑒良不遠國風變式微旄邱呼伯叔衷耳忘流離
哀哉熒澤戰何異殷喪師好鶴雖禍本寢薪得無危
域民資天險固圉慎地機石轉千仞山水決千仞溪

恤鄰豈相爲實鞏邦家基虞號竟覆轍千載悲宮奇

喜雨亭

有序

邑令程大夏

嵐山爲黎邑八景之一謂禱雨輒應余政暇
登臨竊計宜建一亭無何而邑苦旱步禱於
斯旣而果雨民大悅因捐俸構數楹顏曰喜
雨亭率筆賦此詎曰希蹤前哲聊以昭示來
茲云爾

化調玉燭治垂裳龍德正中時雨暘油雲四嶽封中
起寰海清晏觀龍光拜命莅此甫三載凋瘵風氣亦

漸改無才敢言撫字勞沃野桑麻春靄靄每於風和
景麗時題彼嵐山一登之回蹊谷狹多荒梗連峰盤
木小洞歇中有清流夏結冰春不溢兮冬不竭巋然
祠宇兩三間再拜龍宮勢烜赫有神危坐金碧輝肅
然起敬立巖側翹首山腰萬松攢褰裳欲往躡屐難
遙指此中結亭宜賓僚載酒時躋攀後有好事登臨
者高吟谷響松風瀾遲遲未久蘊隆作哀鴻嗷嗷滿
郊郭司牧何人敢自寬赤日躬禱忘飢渴誠積或有
鬼神通前此赤旱轉穰豐中宵不寐深戚戚走告列

神叩龍宮屏翳修駕靈霞奔玉女披衣石燕翻阿誰
倒挽銀河瀉四山震盪林木喧無端風雨百靈集萬
壑爭流郊原溢民曰霑足我侯功誰敢貪天爲己力
意者山靈鑒此衷始願結亭萬木叢昔人亭成喜值
雨吾喜時雨亭鳩工置酒落落成高會詞客欣欣載
筆從吟罷掬泉淪香茗和風習習響高松還告我民
勤耕耨歲歲幽吹蜡賽通

王趙兩孺人節烈辭

邑人 申如岳

五友李子曰弼公伶何孤苦誰與同爲子能孝爲孫

慈負米陳情恨無窮自言祖妣及母氏後先共把柏
舟矢潛德於今弗表揚爲人惡坏子徒然耳因從吾黨
遍徵言擬佐董狐傳青史青史流傳節婦有如王如
趙堪不朽可憐王趙兩孺人誓死心同百鍊真王念
遺腹生一子撫之九歲偏苦辛趙生一子纔四歲不
念孤兒豈念身異哉此家婦與姑一死九年後矢志
爲存孤一死不旋踵慟哭以殉夫孤存良人嗣不缺
李氏只今縣瓜瓞殉夫大節後必昌一脉詩書遙相
接乃知天道福善人俾生孝慈酬苦節我家祖母新

與李兩世永霜差堪比誰非仁人孝子心忍使懿行
湮沒已聊賦哀吟寫苦行情深忘却辭鄙俚持斯奉
勸閨中人自古綱常合如此

又

邑人王發祥

捐軀守志皆千古較來畢竟死尤苦斷髮剔目可全
貞誰甘餓死入黃土異哉奇節傳繡屏兩代孤孀嘆
伶仃那知巾幗有男子凜凜志氣炳日星一則誓死
靡他志絕粒慟洒崩城淚一則侍母九年終從容不
食亦歸隧貞節耿耿萃一門總期不愧赴九原是婦

是姑良足法宜爾孝子與慈孫吾黎閭閻稱仙李忠
孝節烈亦罕比豈惟梓里景女宗仁見旌褒垂青史

黎城道中

介休
茹綸常

盤空入鳥路風雪慘征顏雲氣連前嶺河流繞斷山
鬢從新歲改雁及早春還小駐憐孤戍迢迢遠市闌
吾峪關

王軒

古戍卓危樓雄關據上游氣吞全趙暗高壓太行秋
西伯王基肇東陽霸業留蕭條餘鬪穴斷鏃澣寒流

自注王蔽階於
關下得古鏃

題建德令李翰苑詞盟精舍

忻州

張天斗

放眼邀晨爽朱簾傍曉開
茅簷新雨後竹苑好風來
鳥語初喧樹蝸涎半入苔
徑幽童未掃花落幾成堆

遊白巖寺看重生牡丹

次李坦公壁間韻

董

鐸邑侯

東郊看二麥乘興陟青巉
洞古光浮石春歸翠滿巖
絕倫姚魏色逐隊鵲鷗喃
醉頌來牟句天香已染衫

黎城縣卽事三十首

邑令

陳金鑑

古國漳河北荒城潞水東
縣門槐蔭綠市闌草縈紅

黎北多紅草可染

廳宿兵曹鳥墻綠
主簿蟲掃除親執帚次

第問民風

撫袂廉泉挹先教市價平鬻收中子路

詩式微篇中
露魯詩作中

路黎國

地名

呼免首山庚與餓常爲粥思鄉不爲羹南邦

周急者十倍此間情

剜肉終非計休言佛性慈拈花空解笑積穀好防饑

開糴鄉中社陳倉道上祠長孫朱子法前事最堪師

黎邑社義十倉久廢余

次第修補以備不時

夏旱虔誠禱恩膏頃刻間爲霖三日雨流水百重灣

轉眼黃盈隴凝眸翠滿山神酬邀父老暫爲一開顏

養民誠不易強教更爲難漢代興廉吏周家讀法官
綈袍憐贈范廩粟媿靡韓樂育人材事非同壁上觀
班荀聯英俊心蘭印宿儒語言清屑玉咳唾散成珠
才子高陽裔瀛洲立本圖有恆占麗澤並足練京都
成名由獻賦致用在通經拾芥衣行紫燃藜杖照青
雪窗分竹簡月旦聚莎廳匡鼎爲都講泥中婢解聽
退省堂邊地多生杏與桃根移傷本性枝接怕徒勞
北向山排笏東流水繪袍天然饒勝賞俯仰足揮毫
病軀惟愛藥癖性只耽書麴蘖不嘗我匏笙非嗜予

厚廉文未盡薄俸會猶餘因此興諸廢無煩役里閭

壇爲交神築城因備武修圍墻虹亘漢飛閣屋虛樓

時有朱提賞從無哲澤謳年年風雨若下邑鞏金甌

壯丁時教戰吉亥歲催耕寰海今澄鏡農田古寓兵

摩增臺壁壘

水經注臺壁路子所築晉王載記慕容垂破西燕於此在黎邑東十五里

習武軍城

後魏志刈陵有武軍城

簡練收材技端由賞罰明

余每

月兩操民壯演陣法

黎民皆尚儉多有不知勤三伏鋤攜日千夫鍾卧雲

扈催薈蔓草馬劈賽榆枌

黎俗迎神賽會一人袒裸執大刀狂呼亂劈在神前

開路名曰馬性習相沿久享余勸戒文

傍此陋俗也

關險吾兒峪山深燕子窪

南鄉五美里地名

狠貪戎伏莽狗

盜跡如麻我到除宵小人來說夜叉多方擒醜類纒

首典刑加

淳樸黎人性奸回賈豎心瞞天呼竊寶掘地諱藏金

監守自爲盜追求無法尋市廛多鼠輩貓捕寫鳴琴

十九年邑東二十五里東陽關有太谷縣人趙姓匿其東家寶銀三百兩呈報被竊余即履勘的實原贓

即從店中起獲

辛苦鎔銖利傾囊付賣鹽一斤砂舊拌四兩水新添

父老情甘淡兒童願食甜更欺人短稱官禁豈爲嚴
養苗宜防莠種樹貴芟藤農圃猶如此官師豈未能
門緣奴隸入堂假射鄉登非輩同魑魅常燃暗室鐙
吏役宜安頓難禁衆口譏療饑分地種學字給書鈔
卯冊從頭點申封着手包有時賓戲我不解子雲嘲
愛人如愛子求瘼甚求醫本俗先安富推誠始戒欺
莫教財力盡致嘆粟民移猛虎行曾讀沈吟各自知
更有貧惇者鄉居怕見官斷烟憐食併冒雪憫衣單
事或株連及情當格外看從無非罪繫鼠雀亦騰歡

非敢言無訟年來訟漸稀垂簾知靜妙運甕免癡肥
茶飲清詩思香焚識化機仕優勤吾學何必羨朱緋
執針兼執斲官舍豈能無破緝風前慢歌更雨後櫺
棉裘寒製白茶椀暑添盧飽飯羸酬值頻年暫一呼
邑小閒無事官衙日漸長榆錢堆蘚砌棘刺茁莓牆
鳥語枝頭喚蜂聲樹頂忙研朱讀周易民物想羲皇
節孝關名教權歸學校臣一雙舞萊子十九飲水人
暫振風前鐸齊褒日下綸國朝二百年來黎有孝子
二節烈婦女十九皆以貧
故久未請旌道光甲辰春余奉檄兼學篆遂申請獲旨馬從茲多嚮善俗尚可還